



Broj: 0602-2354-8-6/25
Sarajevo, 04.12.2025. god.

Na osnovu člana 70. Zakona o javnim nabavkama („Službeni glasnik BiH“ broj 39/14, 59/22 i 50/24), član 38. Pravilnika o javnim nabavkama broj 02-11-491-7/23 od 28.02.2023. godine i člana 47. Statuta KJKP „POKOP“ d.o.o. Sarajevo, a na prijedlog Komisije za javne nabavke konstatovan u Zapisniku o pregledu i ocjeni ponuda broj 0602-2354-8-5/25 od 27.11.2025. godine, Direktor d o n o s i

ODLUKU

o izboru najpovoljnijeg ponuđača
u otvorenom postupku

Član 1.

Ugovor za nabavku kamenih nadgrobnih obilježja sa montažom LOT 1 - nabavka kamenih nadgrobnih obilježja sa montažom od kamena Marmara ili ekvivalent, dodjeljuje se ponuđaču KLESAR d.o.o. Hadžići, sa registrovanim sjedištem u ul. Binježevo 136 u vrijednosti od 125.000,00 KM bez uključenog PDV-a, odnosno 146.250,00 KM sa uključenim PDV-om, kao najbolje ocijenjenom ponuđaču.

Član 2.

Ponuda ponuđača BH Granit O.R. Dobrinja bb, Jablanica se odbija, u skladu sa članom 68. stav 4), tačka i) Zakona o javnim nabavkama, jer ne ispunjava zahtjeve iz Tenderske dokumentacije.

Član 3.

U skladu sa članom 70. stav 6. Zakona KJKP POKOP d.o.o. Sarajevo će ovu Odluku objaviti na svojoj internet stranici i to istovremeno s upućivanjem Odluke ponuđačima koji su učestvovali u postupku nabavke.

Obrazloženje

KJKP POKOP d.o.o. Sarajevo je u skladu sa čl. 18. i 25. Zakona o javnim nabavkama pokrenulo Otvoreni postupak za nabavku kamenih nadgrobnih obilježja sa montažom LOT 1 - nabavka kamenih nadgrobnih obilježja sa montažom od kamena Marmara ili ekvivalent.

Na portalu javnih nabavki objavljeno je obavještenje o nabavci broj 775-1-1-103-3-86/25 objavljenog dana 13.10.2025. godine i u Službenom glasniku BiH broj 61/25 od 17.10.2025. god.

Kriterij za dodjelu ugovora je najniža cijena.

Na osnovu Obavještenja o nabavci i tenderske dokumentacije, izvršeno je javno otvaranje ponuda dana 27.11.2025. godine u 10:30 sati u prostorijama KJKP POKOP d.o.o. Mula Mustafe Bašeskije 38, Sarajevo, što je konstatovano u zapisniku sa otvaranja ponuda u skladu sa Zakonom o javnim nabavkama.



Komisija je na javnom otvaranju konstatovala da su svoje ponude predala 3 (tri) ponuđača i to: G.H. d.o.o. Sarajevo - Ljubina, Solakovići 1, Srednje, Klesar d.o.o. Hadžići, Binježevo 136 i BH Granit O.R. Dobrinja bb, Jablanica.

Komisija je prema članu 65. ZJN pristupila pregledu i ocjeni ponuda, što je konstatovano u Zapisniku o pregledu i ocjeni ponuda, koji je sastavni dio ove Odluke.

Obzirom da je tenderskom dokumentacijom predviđena e-Aukcija, ista je zakazana 03.12.2025. godine u 12:00 sati i uspješno završena.

Nakon dostavljanja izvještaja o toku e-Aukcije sa Portala javnih nabavki, Komisija je konstatovala da je došlo do promjene cijena u odnosu na početnu, te utvrdila konačnu rang listu ponuđača kako slijedi:

NAZIV PONUĐAČA	CIJENA PONUDE NAKON E-AUKCIJE (sa uključenim PDV-om) KM
KLESAR d.o.o. Hadžići, Binježevo 136	146.250,00 KM
G.H. d.o.o. Sarajevo - Ljubina, Solakovići 1, Srednje	148.590,00 KM

U postupku donošenja ove Odluke, posebno su cjenjene činjenice da je Komisija, pravilno i potpuno, izvršila ocjenu kvalificiranosti ponuđača, te ocjenu prispjelih ponuda, shodno kriterijima iz Tenderske dokumentacije. U postupku ocjene provedenog postupka nisu nađeni razlozi, nepravilnosti niti propusti u radu, koji bi eventualno bili osnov za neprihvatanje preporuke Komisije za javnu nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom.

Slijedom navedenog Komisija je jednoglasno dala preporuku da se donese Odluka o izboru najpovoljnijeg ponuđača KLESAR d.o.o. Hadžići, Binježevo 136, iz razloga što je utvrdila da ponuda primjenjujući kriterij najniže cijene tehnički zadovoljavajuće ponude – prihvatljiva i sačinjena u skladu sa traženim uslovima navedenim u Tenderskoj dokumentacijom za predmetni postupak.

Shodno prijedlogu i preporuci Komisije za javne nabavke, Ugovor za nabavku kamenih nadgrobnih obilježja sa montažom LOT 1 - Nabavka kamenih nadgrobnih obilježja sa montažom od kamena Marmara ili ekvivalent u vrijednosti od 125.000,00 KM bez uključenog PDV-a, odnosno 146.250,00 KM sa uključenim PDV-om, dodijeljuje se ponuđaču KLESAR d.o.o. Hadžići, Binježevo 136, koji je je ponudio najnižu cijenu.

Ponuđač BH-GRANIT O.R. Jablanica se odbija kao neprihvatljiva za Ugovorni organ iz razloga što nije ispunio uslove iz tenderske dokumentacije, kako je propisano tačkom 19. Tehnička i profesionalna sposobnost.

Tenderskom dokumentacijom je zahtijevano da ponuđač dostavi dokaze o:

„Uspješnom iskustvu u realizaciji minimalno jednog ili više ugovora za isporuku predmetne nabavke čiji su karakter i kompleksnost slični sa onima koji se odnose na predloženi ugovor, u prethodne 3 (tri) godine i čija je ukupna zbirna vrijednost minimalno 260.000,00 KM (bez PDV-a).“

Ponuđač je dostavio dvije potvrde o uspješno izvršenim ugovorima u iznosima sa PDV-om, ali u skladu sa zahtjevom za ocjenu ispunjenosti kriterija uzima se vrijednost bez PDV-a. Nakon izvršenog preračuna dostavljenih vrijednosti na iznos bez PDV-a, utvrđeno je da ukupna zbirna vrijednost potvrđenih ugovora iznosi 236.296,10 KM, što je manje od propisanog minimalnog iznosa od 260.000,00 KM bez PDV-a.

Također, Tenderskom dokumentacijom je zahtijevano da:

„Ponuđač uz ponudu dostavi originale ili ovjerene kopije dokumenata (ovjera organa uprave – općina, sud ili notar) kojima dokazuje tehničku i profesionalnu sposobnost.“

Međutim, ponuđač je dostavio dvije potvrde o uspješno realizovanim ugovorima sa spiska izvršenih ugovora u formi neovjerenih kopija, čime navedeni zahtjev nije ispoštovan.

Nadalje, ponuđač je dostavio kopiju atesta za ponuđeni kamen, ali ni ovaj dokument nije dostavljen u traženoj formi originala ili ovjerene kopije, kako je jasno propisano tačkom 19. TD.

Na osnovu navedenog Komisija konstatuje da se ponuda ponuđača BH-GRANIT O.R. Jablanica odbija u skladu sa članom 68. stav 4), tačka i) Zakona o javnim nabavkama, jer ne ispunjava zahtjeve iz Tenderske dokumentacije.

Shodno navedenom ugovorni organ je prihvatio prijedlog Komisije i donio Odluku kao u dispozitivu.

Pouka o pravnom lijeku:

Protiv ove Odluke može se uputiti žalba u roku od deset (10) dana od dana prijema ove Odluke. Žalba se izjavljuje ugovornom organu u pisanoj formi direktno, elektronskim putem ili preporučenom poštanskom pošiljkom. Žalba se podnosi u dovoljnom broju primjeraka, a koji ne može biti manji od tri.

Prilog:

- Kopija zapisnika o pregledu i ocjeni ponuda

Dostaviti:

1. Ponuđačima x 3;
2. Nadležnoj službi;
3. a/a Preduzeća.



Sačinila:

Kontrolu izvršila: